

Zajednička izjava OHR-a, NATO-a i EUFOR-a o daljim koracima vezanim za incidente sa polaganja svečane zakletve na Manjači i u Bileći

U našoj izjavi od 18. aprila apelovali smo na ministra Stankovića da provede neodložnu istragu o incidentima koji su se dogodili u toku polaganja svečane zakletve na Manjači i u Bileći.

Smatramo da su mjere u vezi sa VRS koje je ministar Stanković, na osnovu te istrage, najavio 6. maja potpuno neodgovarajuće imajući u vidu ozbiljne propuste u izvršavanju ustavnih obaveza VRS prema Oružanim snagama BiH. Događaji od 16. aprila dovode u pitanje ustavnu lojalnost i vojnu profesionalnost lanca komande u VRS i njegovu opredijeljenost prema Daytonu. Jasno je da su organi RS značajno podcijenili ozbiljnost ovih incidenata.

Organi vlasti RS sada moraju dati odgovarajući odgovor na ovo pitanje. Događaji sa Manjače i iz Bileće predstavljaju ozbiljan propust u lancu komandovanja: poduzimanje koraka kako bi se ovo riješilo pitanje je političke odgovornosti. Stoga apelujemo na Predsjedništvo BiH da osigura da pojedinci na visokim komandnim pozicijama adekvatno odgovaraju. Nadalje, očekujemo od ministra Stankovića da sa svoje strane osigura da se to i desi, i to tako što će se utvrditi ko su odgovorna lica i, preko ministra Radovanovića, dati odgovarajuće preporuke Predsjedništvu te tako što će provesti potrebne systemske promjene kako bi se spriječili slični događaji u budućnosti. Očekujemo da se svi ovi koraci poduzmu najkasnije do 24. maja ove godine.